

Broj: 03-04-43-1/2/2022
Sarajevo, 23.12.2022. godine

PARLAMENT FEDERACIJE BOSNE I HERCEGOVINE

Predstavnički dom

gosp. Admir Čavalić poslanik
gosp. Ivan Miličević, sekretar

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 27-12-2022			
Org. jed.	Broj	Priloga	Vrijednost
05/1	-02-	284	/22

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20), u prilogu Vam dostavljam akt Federalnog ministarstva pravde, broj: 09-45-3622/22 od 21.12.2022. godine, koji sadrži odgovor na poslaničko pitanje, koje je postavio poslanik Admir Čavalić.

S poštovanjem,



SEKRETAR VLADE

mr. sc. Edita Kalajdžić

Broj: 09-45-3622/22
Sarajevo, 21.12.2022. godine

VLADA FEDERACIJE BIH
n/r Sekretara

SARAJEVO

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

Broj: 09-45-3622/22		22.12.2022.	
Upravitelj	Klasifikaciona oznaka	Broj list	
	03-04-43-1	2	2022

PREDMET: Zastupničko pitanje, odgovor – dostavlja se.-

Veza: Vaš akt broj: 03-04-43-1/2/2022 od 06.12.2022. godine

U vezi sa zastupničkim pitanjem, koje je postavio zastupnik Admir Čavalić, zastupnik u Zastupničkom domu Parlamenta Federacije Bosne i Hercegovine, a koje glasi:

„Da li Grad Tuzla krši vlastiti Statut i Zakon o principima lokalne samouprave u FBiH i ako je odgovor potvrđan kako se može sankcionisati dato ponašanje, te pristupiti održavanju izbora u mjesnim zajednicama.“

Federalno ministarstvo pravde daje slijedeći:

ODGOVOR

Članom 169. Statuta Grada Tuzla broj: 01/01-A-7500-2021 od 27.05.2021. godine, propisano je: „Savjet mjesne zajednice biraju građani sa područja mjesne zajednice, demokratskim putem, na neposrednim i tajnim izborima“, a članom 169. Statuta je propisano „U roku do šest mjeseci od dana stupanja na snagu ovog Statuta, Gradsko vijeće će donijeti odluku o uređivanju izbornog procesa za savjete mjesnih zajednica iz člana 96. stav 3. ovog Statuta.“

Iz navedenih odredaba Statuta vidljivo je da je Gradsko vijeće bilo dužno donijeti odluku o uređivanju izbornog procesa za savjete mjesnih zajednica.

S obzirom na činjenicu, kako vi navodite u obrazloženju Vašeg pitanja, da je rok za realizaciju izbora za organe mjesnih zajednica bio novembar 2021. godine, a da izbori još uvijek nisu održani, očigledno je da je prekršen Statut Grada Tuzla, te da je zbog toga potrebno obratiti se Komisiji za statutarna pitanja i propise Gradskog vijeća, koja je, između ostalog, nadležna i za praćenje ostvarivanja Statuta.

Posebno ističemo da je članom 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) propisano da „Članovi vijeća odgovaraju za ustavnost i zakonitost akata koje vijeće donosi u okviru svojih nadležnosti“, a članom 15. istoga zakona propisano je:

„Načelnik/ca odgovara za ustavnost i zakonitost akata koje donosi, odnosno predlaže vijeću”.

Osim gore navedenog, želimo istaći da pravni sistem Bosne i Hercegovine, odnosno Federacije Bosne i Hercegovine, nije predvidio mehanizme kojima bi višim organima vlasti omogućio djelovanje u situacijama kada niži organi vlasti ne postupaju ili krše pravne propise viših organa vlasti, pa tako ni kada ne postupaju u skladu sa vlastitim propisima, kao što je slučaj sa neprovođenjem odredaba Statuta Grada Tuzla.

Napominjemo da je Vlada Federacije Bosne i Hercegovine usvojila Prijedlog zakona o izmjenama i dopunama Zakona o principima lokalne samouprave, kojim je regulisan postupak preispitivanja odluka općinskog/gradskog vijeća i općinskog načelnika/gradonačelnika u slučajevima kada jedan od od ovih organa smatra da je odluka u suprotnosti sa ustavom i zakonom. Isti zakon je usvojen na sjednici Predstavničkog doma Parlamenta Federacije Bosne i Hercegovine, te je potrebno da isti usvoji i Dom naroda Parlamenta Federacije Bosne i Hercegovine.

S poštovanjem.

Dostaviti:

1. Naslovu,
2. U registar
3. Arhivi.



MINISTAR

Mato Jozić